



ერთმა კაცმა შეეკითხა მოციქულს (აღლაჰის ლოცვა და მშვიდობა მას): "როდის იქნება საათი?" მოციქულმა უთხრა: «რა მოამზადე მისთვის?»

გადმოცემულია ანასისგან (აღლაჰი იყოს მისით კმაყოფილი), რომ მან თქვა: ერთმა კაცმა შეეკითხა მოციქულს (აღლაჰის ლოცვა და მშვიდობა მას): "როდის იქნება საათი?" მოციქულმა უთხრა: «რა მოამზადე მისთვის?». მან თქვა: "არაფერი, გარდა იმისა, რომ მიყვარს აღლაჰი და მისი მოციქული (აღლაჰის ლოცვა და მშვიდობა მას)". მოციქულმა უპასუხა: «შენ იქნები იმასთან, ვინც გიყვარს». ანასმა (აღლაჰი იყოს მისით კმაყოფილი) თქვა: "არაფერმა გაგვხარა ისე, როგორც მოციქულის (აღლაჰის ლოცვა და მშვიდობა მას) ამ სიტყვებმა: «შენ იქნები იმასთან, ვინც გიყვარს». ანასმა ასევე თქვა: "მე მიყვარს მოციქული მუჰამადი (აღლაჰის ლოცვა და მშვიდობა მას), აბუ ბაქრი და უმარი (აღლაჰი იყოს მათით კმაყოფილი) და იმედი მაქვს, რომ მათი სიყვარულით მათთან ერთად ვიქნები, მიუხედავად იმისა, რომ მათი მსგავსი საქმეები არ გამიკეთებია".

[სანდო (საჰიჰ)] [შეთანხმებული]

ერთმა ბედუინმა, რომელიც უდაბნოში ცხოვრობდა, ჰკითხა აღლაჰის მოციქულს განკითხვის საათის დროის შესახებ? მოციქულმა (აღლაჰის ლოცვა და მშვიდობა მას) ჰკითხა: რა მოამზადე მისთვის კეთილი საქმეებიდან? მკითხველმა უპასუხა: დიდი საქმეები არ მაქვს მომზადებული, გარდა იმისა, რომ მიყვარს აღლაჰი და მისი მოციქული. მან სხვა გულის, სხეულის ან ფინანსური მსახურება არ მოიხსენია, რადგან ყველა ეს ქმედება სიყვარულისგან მომდინარეობს და მასზეა დამოკიდებული. ეს კი იმით არის განპირობებული, რომ გულწრფელი სიყვარული სტიმულს აძლევს კეთილ საქმეთა გულმოდგინედ შესრულებას. მოციქულმა (აღლაჰის ლოცვა და მშვიდობა მას) უთხრა: შენ იქნები სამოთხეში იმასთან ერთდ, ვინც გიყვარს. მოციქულის (აღლაჰის ლოცვა და მშვიდობა მას) საპაბებმა ძალიან გაიხარეს ამ სასიხარულო ცნობით. შემდეგ ანასმა (აღლაჰი იყოს მისით კმაყოფილი) განაცხადა, რომ უყვარს მოციქული მუჰამადი (აღლაჰის ლოცვა და მშვიდობა მას), აბუ ბაქრი და უმარი (აღლაჰი იყოს მათით კმაყოფილი) და იმედი აქვს, რომ მათთან ერთად იქნება, მიუხედავად იმისა, რომ მისი საქმეები არ შეესაბამება მათ საქმეებს.

النجاة الخيرية
ALNAJAT CHARITY

